

# 拉大隊幫襯社企 林鄭籲關懷弱勢

香港文匯報訊(記者 陳川)特首林鄭月娥一直關心弱勢社群。前晚,特首辦主任蔣長沙灣一間小店「喜樂餐飲教室」包場請客,二三十人好熱鬧,仲充滿正能量:因為大家都係嚟支持小店老闆宋太。

林鄭月娥fb上載咗張相,顯示除佢自己同特首辦主任陳國基之外,仲有勞工及福利局局長羅致光,立法會主席梁君彥,民建聯立法會議員葛珮帆、劉國勳,工聯會立法會議員郭偉強,經民聯立法會議員林健鋒,旅遊界立法會議員姚思榮,觀塘區區議會主席陳振彬等都有幫襯「喜樂餐飲教室」。

## 小店專請智障人士賣平飯

林鄭月娥fb上載帖文話,宋太太去後,獨力湊大患有自閉症同輕度弱智嘅女兒。為咗畀佢有工

作機會,宋太太近年用佢積蓄同社會福利署資助開設社企餐廳。

雖然經營小店唔容易,宋太太仍樂於助人,午市提供廉價飯盒畀附近嘅打工仔,又聘請其他智障人士喺店內工作。「宋太的故事,體現咗香港人勤奮、堅毅、自強不息嘅特質,令人十分敬佩!」

林鄭月娥最後話:「小店就係福華街,我鼓勵大家多啲去幫襯,支持宋太!」

## 郭偉強盼人人出力起作用

有份出席「飯局」嘅郭偉強亦發帖:「老實說,愛心社企有很多,想幫晒都唔容易。不過一人一分力,應該還是有作用的。」

佢仲標註「宋太加油」、「社企的團隊加油」等。

員,佢曾經接受傳媒訪問時坦言,自己為咗照顧患有自閉症和輕度弱智嘅女兒而辭去工作,但當女兒只得半歲大時,同樣做懲教人員嘅丈夫不幸病逝,她一個人帶大女兒,做過保險、超市收銀、電話傳銷等,2011年用積蓄開第一間餐廳,到今年已先後開過3間餐廳。但開餐廳,唔單止係訓練自己兒有生活技能,將來可以養活自己,同時亦聘請其他智障及自閉人士,當係幫埋其他人。不過,佢之前兩間餐廳都因為蝕本而結業,現在開社企「喜樂餐飲教室」,但生意就唔係好。雖然佢自己每個月都唔攞人工,但每月仍然虧損1萬元。雖然生意唔好,但佢都繼續幫人。上個月,佢就推出午市20蚊外賣自取飯盒,如自備餐具和餐盒可以再減兩蚊,希望幫打工仔慳錢。



特首辦主任在「喜樂餐飲教室」包場請客。林鄭月娥fb圖片

# 基本法研究工作 陳冬提三點希望

香港文匯報訊 據中聯辦網訊,8月11日,中聯辦副主任陳冬應邀出席在福建平潭舉行的2018年中國法學會香港基本法澳門基本法研究會年會暨「新時代港澳基本法研究的新課題」論壇並致辭。

陳冬在致辭中表示,去年「七一」,習近平總書記親臨香港主持回歸20周年「成年禮」,為香港發展指路引航。一年來,新一屆特區政府和香港社會各界人士堅守「一國」之本、善用「兩制」之利,團結奮進,香港社會政治形勢發生許多積極變化,呈現穩中向好、持續向好的良好態勢。

陳冬指出,香港回歸21年來取得的巨大成功充分說明,香港特別行政區基本法是符合「一國兩制」方針和香港實際的一部好法律,能夠為「一國兩制」事業提供有力保障,經得起實踐和歷史的檢驗。但是也要看到,香港一些深層次矛盾和問題仍亟待解決,需要實務部門與學術理論界共同攜手,探討應對之策。

## 增方向感實踐性影響力

陳冬對基本法研究工作提出3點希望:一是準確把握總書記關於「一國兩制」的重要論述,增強方向感。二是聚焦新時代香港基本法實施的重大問題,增強實踐性。三是推動兩地基本法研究的學術交流與合作,擴大影響力和輻射力。

據報道,是次會議於8月11日至12日舉行,來自內地與港澳的百餘位專家學者和實務界人士參加了本次會議。是次年會由中國法學會香港基本法澳門基本法研究會和平潭綜合實驗區管委會共同主辦,福州大學法學院、福建師範大學法學院共同承辦。

開幕式於11日上午9時在平潭麒麟榮譽酒店海峽廳舉行。開幕式上,平潭綜合實驗區管委會文耀主任向與會代表介紹了平潭的相關情況,並對各位的到來表示歡迎。福建師範大學校長王長平教授、福州大學法學院院長黃輝教授先後致歡迎辭。

## 徐顯明勉堅持正確方向

全國人民代表大會監察和司法委員會副主任委員、中國法學會副會長徐顯明在開幕式上發表講話。他指出,港澳基本法研究會要坚持正確的研究方向和指導思想,在研究中提高政治站位,以習近平總書記總體國家安全觀為指導,並且加強對港澳基本法解釋機制的研究。

全國人大常委會港澳基本法委員會委員、中國人民大學法學院韓大元教授在致辭中圍繞香港特區憲制基礎、基本法實施配套機制以及合憲性審查工作等議題發表自己的看法。

## 王振民籲視為責任使命

香港基本法澳門基本法研究會會長王振民在致辭中指出,基本法是中國憲法實踐最活躍的領域,對其進行研究有特別的意義,他呼籲專家學者將基本法研究視為一項莊嚴的責任和使命。開幕式由香港基本法澳門基本法研究會副會長兼秘書長林長梵教授主持。

在會議論壇上,專家學者分5個單元,圍繞



陳冬致辭。

「基本法實施的經驗回顧與未來展望」、「基本法與特區治理」、「特區政權運作」、「特區政制及社會發展」、「大灣區建設等跨法域治理的法治保障」等重要課題展開研討。

香港基本法澳門基本法研究會副會長、北京大學法學院饒戈平教授作會議總結發言。饒戈平教授認為本次會議的舉辦具有時代意義,他對全體基本法學者的學術貢獻表示肯定,並感謝平潭綜合實驗區管委會、福州大學法學院以及福建師範大學法學院對本次年會舉辦的大力支持,最後他祝願福建平潭走向美好的未來。

香港基本法澳門基本法研究會是由中國法學會管理的全國性學術研究團體,旨在積極推動港澳基本法的理論研究、宣傳教育及學術交流。

# 鬧老馮悼凱彤 何秀蘭抽水抽着火水

咩叫動輒得咗?咪就係連鞠個躬都要俾人鬧囉。歌手盧凱彤離世,唔少人日前都有去悼念,已退出民協嘅老馮(馮檢基)都係。不過,工黨何秀蘭前晚就乘機出post「屈基」,擲返超過二十年前嘅嘢講,話老馮曾經反對反歧視條例草案,所以見到對方去追悼同性戀嘅盧凱彤,自己「無法不憤怒」嗚。不過,何秀蘭最終抽水抽着火水,大多數網民見到佢嘅「憤怒」,反問佢:「反『平權』同尊重死者去鞠個躬有咩衝突?呢啲時候都仲係(嘍)度抽水。」老馮就食住個勢鬆鬆出post還擊:「哀……為何要利用人家的白事,搞你的政治?」

補選近了,反對派中人吓吓都抽水攻擊潛在嘅同路對手,但唔小心就一個回力鏢車返埋自己塊面。話說老馮日前出席盧凱彤告別禮,何秀蘭就係facebook出post話,悼念盧凱彤「不限於她的親友、知音、性小眾及支持者」,但老馮曾經就反歧視條例草案投反對票,「令性小眾及其家人仍在痛苦深淵」,所以自己見到老馮出席追悼,同佢家屬握手,「我無法不憤怒。」

## 盧斯達批補選前打壓對手

真係好大嘅罪名!馮檢基在回應傳媒查詢時就表示,佢同盧凱彤係Kickboxing班的同學,「我哋做過兩三班同學,有傾偈」,所以自己先會同3名Kickboxing教練一齊出席告別禮,並強調盧凱彤不幸離世,與歧視無關,「希望大家理性啲」,又狠批何秀蘭「唔好拎白事做新聞」。

唔少人亦唔受何秀蘭呢套。「無待堂堂主」盧斯達就係佢fb專頁度出文話:「何秀蘭是工黨,

剛加入公(工)黨的劉麗要去補選,最大對手是馮檢基,要打擊是一定的,但也不要連人家的告別儀式也利用來做文章,用無關的逝者來(打)壓政治對手吧?玩身份政治也不要走火入魔。」


佢仲話,如果要比較,老馮同小麗老千都有乜分別,而何秀蘭都係係咩好嘢,再貼埋何秀蘭之前嘅fb帖文,反問:「梁天琦大審時立場不同的何秀蘭到場影相,又何嘗不是抽水自奉(捧)?」

雖然都有網民跟住何秀蘭去質問老馮憑咩去出席,但更多人係開返何秀蘭轉頭。「Oscar Tsang」直接噏何秀蘭fb留言反問:「不限於親友、知音、性小眾及支持者,但限於立法推動平權保護小眾?我唔明個邏輯;佢唔可以係盧小姐親友?定係因為政見唔同?」Joseph Leung亦問:「我從來都不喜歡馮檢基,但人哋去鞠個躬都唔得?」

## 老馮見形勢利己即遷掩

相關新聞下嘅網民留言鬧得仲犀利啲。「Ricky Chan」問:「反『平權』同尊重死者去鞠個躬有咩衝突?呢啲時候都仲係度抽水。」「Kelly Leung」怒斥:「唔支持同性戀等於絕交?有些人口講爭取民主,爭取言論自由嘅人,他們往往是最獨裁,最排斥異見嘅人。」「CL Chu」批評:「死者的家人也不反對馮先生出席,何時輪到何秀蘭憤怒!」「Chin Yau Li」擲返何秀蘭嘅經典例句話:「何秀蘭傻啲,游慧(惠)禎留長髮都畀(俾)佢唔唔環俾。」

網上群情咁洶湧,老馮再轉發返自己解釋嗰段新聞,再講句:「哀……為何要利用人家的白事,搞你的政治?不要因政治失去理性。」就咁已經贏晒。所以話呢,真係抽水都睇清楚係咩事嘍,地球唔係圍住你哋啲喉住嘅補選議席旋轉嘍。



何秀蘭出post「屈基」,點知抽水抽着火水。何秀蘭fb截圖



老馮轉發報道自己解釋嗰段新聞,再反批何秀蘭抽死人水。馮檢基fb截圖



盧斯達鬧何秀蘭幫劉麗打壓馮檢基。「無待堂」fb截圖

新聞,再講句:「哀……為何要利用人家的白事,搞你的政治?不要因政治失去理性。」就咁已經贏晒。所以話呢,真係抽水都睇清楚係咩事嘍,地球唔係圍住你哋啲喉住嘅補選議席旋轉嘍。

# 特首提前上京開灣區領導會

香港文匯報訊(記者 何西)因應颱風關係,行政長官林鄭月娥昨日提前前往北京,以成員身份出席今日舉行的粵

港澳大灣區建設領導小組第一次會議。政制及內地事務局局長聶德權和行政長官辦公室主任陳國基隨行。

# 邱文勁扮撈明哥呢Like 換個賬號鬧餸臭

## 今日之星

人無恥就無敵,口心不一又算係咩!「港獨」分子、沙田區議員陳國強助理邱文勁,近日就去深水埗明哥處食飯,然後就自己真名個fb話自己「親身撈明哥,S24一魚一肉一菜飯」,扮到好大愛咁。不過呢,佢轉頭就自己化名經營專頁「椰子は無辜的」fb專頁度講「真心話」,爆粗話:「x你啲菜臭既(嘅)。(見圖)」所以話呢,反對派政客之所以



係政客,就算佢哋講得自己點幫弱勢,都只不過係做吓戲呢Like,信唔過嚟。香港文匯報記者 陳川

# 沙中線入建制數 飯民失職睇唔到

## 特稿

沙中線工程不斷被揭發出問題,懷疑當中有人隱瞞,香港社會各界均要求港鐵交代,政府究責,但反對派為了政治目的,只係將矛頭指向建制派,聲稱通過沙中線撥款,以至在立法會內未有支持引用特權法調查事件嘅建制派要為此負責。中文大學「獨」講師劉正就係fb發文,話立法會表決呢兩單嘢時,反對派都有人缺席,咁如果講到建制派要負責任,咁呢班反對派議員係咪同樣要負責任?喂,你班開建制嘅「黃屍」,唔好扮睇唔到呀!

## 黃屍無視反對派懶投票

沙中線工程被揭發有問題後,反對派中人唔係諗點樣解決,而係將時間花喺攻擊「政敵」上。劉正就睇唔過眼,發帖話:「見到(到)好多黃屍又走出黎(嚟)四處宣揚建制派點樣一邊扮要求徹查一邊響立法會投反對票,誇張啲啲仲話以後沙中線有死人,建制派要負上全責——咁當然我就要響度問,當日無盡議員責任投票嘅『飯民』議員,又要負上幾多責任?」

## 劉正鬧《立場》幫手遮醜

針對所謂「建制唔支持立法會用特權法查沙中線」,劉正點名鬧《立場新聞》:「黃屍媒體大煲建制派就P&P查沙中線、反對/棄權查沙中線、土瓜灣站醜聞,但永遠唔會提郭家麟、陳淑莊、郭榮鏗、李國麟、葉建源係連票都唔投。」佢話:「你睇(立)場嘅上下其手真係好趣緻(致),當日沙中線特權法表決,見倒(到)得郭榮鏗一個無投票,就將所有缺席投票嘅議員標起黎(嚟);但去到土瓜灣站特權法表決呢,因為見倒(到)陳淑莊郭家麟李國麟葉建源成四個缺席投票咁,就即刻唔敢 Highlight 出黎(嚟)比(俾)人發現。」

劉正好感嘆咁話:「其實垃圾(《立場》)嘅編輯都係杞人憂天,即使係因為『飯民』議員缺席甚至倒戈而通過政府議案,黃屍都一樣扮扮睇唔到,……乜你地(她)唔係好+關注要用P&P(特權法)查沙中線工程架(嚟)咩?哦原來去投票就可以唔投、齊吹就得?然後我哋係問番(返)同一個問題:反正選你地(她)入去你地(她)投票都係輸x硬,然後你地(她)就用呢個藉口黎(嚟)解釋點解成日可以偷懶唔投票,係咁嘅話,選你班友入去做乜?乾逗(逗)人工?」

香港文匯報記者 陳川